



Mae Gwennyn yn Wych

Cewch fêl ar eich bysedd gyda gwennyn!

Sut mae Gwennyn Mêl yn Edrych?



Y Frenhines



Gwennyn Waith



Gwennyn Ormes

Cartrefi'r Gwennyn

Mae'r Famwennyn, y Gwennyn Gweithgar a'r Gwennyn Gormes yn byw mewn nythfa (grŵp). Mae'r nythfa'n byw mewn cwch gwennyn (enw eu cartref).

Yn y cwch gwennyn, ceir 'fframiau' gyda chwyr ynddynt. Mae'r gwennyn yn 'gweithio'r' cwyr a dyma lle maen nhw'n storio'u mêl.



Cylch Bywyd y Wennyn

Pryfed yw gwennyn ac mae pedwar cam i'w cylch bywyd: wy – larfa – pwpa – oedolyn

Mae'n cymryd 21 diwrnod i'r wennyn weithgar ymddangos.

Diwrnod 1: mae'r famwennyn yn dodwy un wy ym mhob un o gelloedd y dil.

Diwrnod 4: mae'r wy'n deor i larfa, sef lindysyn heb goesau sy'n edrych fel selsigen wen fechan!

Caiff cymysgedd o baill a neithdar a elwir yn 'fara gwennyn' ei fwydo i'r larfa.

Diwrnod 9: caiff y gell ei gorchuddio â chwyr a newidia'r larfa i'r pwpa.

Diwrnod 21: mae'r wennyn weithgar yn ei llawn dwf yn ymddangos.

Mor Ddiwyd â'r Wennyn

Oes rhywun wedi dweud wrthyfych eich bod mor ddiwyd â'r wennyn? Os felly, mae'n rhaid eich bod chi wedi bod yn brysur iawn yn wir. Mae gwennyn gweithgar yn bryfed prysur iawn.

Y 3 diwrnod cyntaf: Mae'r wennyn weithgar yn glanhau ac yn cwyr o'r celloedd yn barod i'r Famwennyn ddodwy ei hwyau ynddynt.

Y 5 niwrnod nesaf: Mae'r wennyn weithgar yn gweithio fel nyrs gan wneud 'bara gwennyn' y mae hi'n ei fwydo i'r larfâu.

Y 6 diwrnod nesaf: Mae'r wennyn weithgar yn cynhyrchu fflawiau o gwyr ar ochr isaf ei habdomen y mae hi'n ei ddefnyddio i adeiladu dil newydd.

Tair wythnos oed: Mae rhai gwennyn gweithgar yn gwarchod y cwch. Gallai rhai gwennyn o nythfeydd eraill geisio mynd i mewn i'r cwch i ddwyn mêl ond mae'r gwennyn gwarchod yn adnabod eu harogl gwahanol ac yn eu herlyn i fwrdd. Mae'r gwennyn gweithgar hefyd yn barod i ddechrau chwiloata am neithdar a phaill am fwyd. Ar ôl rhyw dair wythnos o chwiloata, mae'r wennyn weithgar wedi ymlâdd ac mae'n marw.



Gwennywyr

Pobl yw'r rhain sy'n cadw ac yn gofalu am wennyn.

Gwnânt yn siŵr fod eu gwennyn yn iach a bod ganddynt ddigon o fwyd i'w cadw'n fyw yn ystod y gaeaf. Ar ddiwedd yr haf, bydd y gwennywyr yn casglu mêl o'r cwch ac yn ei roi mewn jariau i'w gwerthu.



Pam Mae Angen Gwennyn Arnom?

Pryfed bach yw gwennyn ond maen nhw'n bwysig iawn, iawn. Maent yn peillio'n planhigion a'n coed. Pe na fyddai'r gwennyn yn cario'r paill o un planhigion i'r llall ar eu cyrff blewog, ni fyddai'n planhigion a'n coed yn gallu cynhyrchu ffrwythau a hadau. Heb wennyn, dim ond ychydig blanhigion fyddai'n tyfu ac ni fyddai gennym ddigon o fwyd i gadw pawb yn y byd yn fyw!

Mae gwennyn hefyd yn gwneud mêl sy'n cael ei fwyta gennym a'i ddefnyddio mewn meddyginiaeth ac yn gwneud cwyr a ddefnyddiwn i wneud canhwyllau, cynhyrchion prydferthu a chwyr celfi.

Sut Gallwch Helpu'r Gwennyn?

Trwy blannu planhigion cyfeillgar i wennyn - mae gwennyn yn hoffi sawl amrywiaeth o flodau yn ogystal â ffrwythau a llysiau blodeuol.

Gwnewch nyth gwennyn a gosodwch ef yn eich gardd yn ofalus. Dylai hyn ddenu cacwn neu wennyn unig.

COFIWCH!

Byddwch yn Garedig i Wennyn!

Cymdeithas Gwennywyr Llambod a'r Cylch
lampeterbeekeepersassociation.co.uk/cy

gyda diolch i
Gwennywyr
Pen-y-Bont

